



Inatsisartut Suleriaasianni § 36 naapertorlugu matumuuna apeqquteqaat aallaavigalugu oqallisissatut siunnersuut saqqummiuppara:

**Inuusuttut ilinniarluarsimasut Kalaallit Nunatsinnut utertinniarnissaat pillugu Kalaallit Nunaat anguniagassanik qanoq ittunik siunniussissaneroq pilluu apeqquteqaat aallaavigalugu siunnersuut.**

(Inatsisartunut ilaasorta, Per Berthelsen Siumut)

**Tunngavilersuut:**

Ukiorpassuit kingulliit ingerlanerini inuusuttut ilinniarnissaminnut kajumissaarniarlugit qinikkatut suliniuiterpassuaqarpugut. Ilinniartortatta nunatta killeqarfata avataani ilinniakkaminnik naammassereerunik anglerlarteqqinnissaasa qulakkeernissaat qanoq pingaartigisoq qasseriarlutami aamma oqaaseqartarpugut.

Taamatut oqartarneq suli kimittuseqqinneqarpoq, ataatsimeersuarnermi “Future Greenland”-imik qulequtaqartumi, Nuummi qaammataluit matuma siorna ingerlanneqartumi, saqqummiussisartut malunnaatillit, piffissami aggersumi Kalaallit Nunaannut suliasat pingaarnersaattut apeqqummut ataasiullutillusooq akimmata oqarlutik: “Ilinniarsimasortatta angerlartinnissaat”.

Qularinngilara uagut nuna tamakkerlugu qinigaasutut oqaatigineqartumut aamma tamakkiisumik isumaqataassasugut – qinikkatut najoqqutarisagut assigiinnngitsut akimorlugit. Taamaakkaluartoq, ukiut kingulliit ingerlanerini qinikkatut arlalinnik najoqqutassiortoqarpoq, arlalitsigut ilinniarsimasuutitta angerlatinnissaasa qulakkeernissaannik kissaatigisamat siunniutamullu akerliusunik.

Tassami pisortani atorfinnut ilutigalugu inissaqartitsisunut inuttassarsiortarnerup ilaannakuusumik unitsinneqarnissaa peqqussutaalersimavoq. Naak pisortat avataanni soorunami atorfeqaraluartoq, pisortat tassaapput inuusuttortarpassuatsinut suliffissaalluartut aammalu sulisitsisussatut pingaaruteqartut, taakkunungalu inuusuttunut – soorunami – apeqqutaalluinnarluni atorfininnermut atatillugu inissartaqarnersoq, uagut namminerlu nunaminnut utersinnaaniarlutik.

Taamatullu qularnanngiivilluni, inuusuttut piffissap sivitsoriartornerani nunani allani nunasivinnissaat, ilinniagarisaminnik naammassinnermit nunaminni atorfinnissamik tungaanut. Naatumik oqaatigalugu, ullumikkut atuuttumik pinngitsaaliilluni najoqqutassiornikkut ilinniarsimasutta / ilinniarluarsimasutta ilarpassuisa annaanissaat aarlerinaateqarpoq.

Taamaattumik Siumumit isumaqarpugut pissutsit atukkallu ataqatigiinneri kalaallit ilinniarluarsimasut ilaasa soq piginnaasatik Kalaallit Nunaata avataani atorusuneraannik ilimagisat pillugit misissuisoqarlunilu paasiniaaqqissaartoqartariaqartoq.

Neriutigaara inuusuttortatta ilinniarnermi namassereerlutik angerlarnissaasa qanoq qulakkeersinnaanera pillugu paqumisujitsumik oqallisinnaanissarput, akissarsiaqarlutik sulisunut, atugarissaarnermik tamatta angujumassatsinnik qulakkeeqataallutik ilanngunniassammata.